

Միջ. հարթիկյան

ՀԱՅ ԱՂԱՆԴԱՎՈՐՆԵՐԻ ՀԵՏՔԵՐԸ ՀՅՈՒՍԻՍԱՅԻՆ ՀՈՒՆԱՍՏԱՆՈՒՄ

Հունաստանում և մասնավորաբար Թրակիայի շրջանում տարածված րանավոր ավանդության մեջ պահպանվել է այն հավատալիքը, թե եղել են արմենիդես (հայեր) անունով չար ոգիներ, որոնք փնասում են ծննդականներին և նորածիններին: Ծննդարերություն և դրան հաջորդող օրերին պատահած մի շարք հիվանդություններ — ուշագնացություն և այլն — վերագրվել են այդ աղդեցության և կոչվել արմենիագմա (արմենահարություն): Հիվանդությունը դարմանելու համար օգտագործվող դեղերն էլ կոչվել են՝ արմենա (երիցուկ), արմենոպորտա (արմենադուռ), արմենոքսիլո (արմենափայտ), Պանագիա արմենոկրատուա (աստվածածին արմենադուսպ) և այլն:

Հունական, հատկապես Թրակիայի շրջանի հույների ֆոլկլորում պահպանվել են նաև հայկական այլ հետքեր:

Արդ, տնտեսական և քաղաքական ի՞նչ հարաբերությունների արդյունք են դրանք, երբ են առաջացել այդ հավատալիքները Հունաստանում, ի՞նչ ճանապարհով:

Այս հարցերի պատասխանն է, որ փորձելու ենք տալ ներկա հոդվածում:

* * *

Հայերի հարաբերությունը հույների հետ սկսվել էր հնագույն դարերից, այն առավել նշանակալից դարձավ քրիստոնեության տարածման առաջին դարերում: Հետագա դարերում առավել ևս մեծանում են հայ-հունական հարաբերությունները, ընդգրկելով տնտեսական, քաղաքական և կուլտուրական բնագավառները:

Այս ամբողջ ժամանակամիջոցի վերաբերյալ, սակայն, մեզ չի հասել որևէ փաստ, որ հայերը նկատվելին չար ոգիներ, դևեր:

Բյուզանդական կայսր Մավրիկը, նպատակ ունենալով ապահովել կայսրության արևելյան սահմանները, բաղձաթիվ հայերի գաղթեցնում է Թրակիա, նրանց ապահովում հողով և բանող ուժով: 7-րդ դարի պատմիչ Սեբեոսի վկայությամբ այդ գաղթականության թիվը հասնում էր 30.000-ի, եթե ընդունենք, որ որոշ չափով չափազանցված է այս թիվը, այնուամենայնիվ այդ ժամանակվա ընթացքում բավականաչափ մեծ թվով հայեր հաստատվում են Թրակիայում:

Ութերորդ դարի կեսին Հեոն Իսավրացին բարձրանում է Բյուզանդական գահը: 726 թվին նա մի հրովարտակով արգելում է պատկերապաշտությունը, Չնայած այն հանգամանքին, որ Հեոնի ձեռնարկած միջոցառումը հետապնդում էր բացառապես տնտեսական նպատակ — թու-

յացնել Վիթխարի կալվածների տեր վանականության ազդեցությունը — այնուամենայնիվ, հոգևորականությունը, պայքարին տալով կրոնական, գաղափարական բովանդակություն, փորձում է պատկերամարտ կայսրին հռչակել՝ հերետիկոս, անաստված¹:

Հակառակ հոգևորականության կատաղի դիմագրությանը, Լևոնի մահից հետո, նրան հաջորդող Կոստանդին Կոպրոնիմոսը (741—775) շարունակում է նույն պատկերամարտության քաղաքականությունը. նա եկեղեցու մեջ պատկերներ կախելը, նրանց երկրպագելը և պաշտելը նկատում է կոապաշտություն: Պատկերապաշտները, հավաքվելով կայսեր փեսա հայազգի Արտավազգ զորավարի շուրջ, պատերազմ են հայտարարում Կոստանդինի դեմ, սակայն պարտվում են:

Կոստանդին Կոպրոնիմոսի դեմ կանգնած էին երկու թշնամիներ՝ Արևելքից արարները, Արևմուտքից՝ բուլղարները: Նա հաղթում է արարներին, և չցանկանալով, որ Հայաստանի հարավում ապրող հայերը օգտագործվեն արարների կողմից Բյուզանդիոնի դեմ, ծրագրում է իր գրաված շրջանի Գոմադենների (այժմյան Մալաթիայի, Ատիյամանի) շրջանի հայերին տեղափոխել Թրակիա:

Միանգամայն քաղաքական, ռազմագիտական նկատառումով կատարված այս բռնագաղթի հետևանքով, կատաղի պատկերամարտ Կոպրոնիմոսը վանականների դեմ մղվող պայքարում ձեռք էր բերում քաղաքական ուժեղ հենարան, քանի որ գաղթեցված հայերի մեծ մասը պավլիկյան գաղափարախոսության կողմնակից էին: Թեոֆանես պատմիչն իր «Ժամանակագրություններում» ասում է. «Կոպրոնիմոս, Թեոդոսուպոլսից և Մելիտինեից սիրիացիներ և հայեր գաղթեցրեց Թրակիայում 747 թվականին, ինչ որ պատճառ եղավ պավլիկյան աղանդի տարածմանը»²:

Կոստանդին Ե-ի թագավորության շրջանում (746—752 թթ.) հայկական շրջաններից փոխադրված պավլիկյանների թիվը հայտնի չէ, որոշ է միայն, որ կայսերական բանակի մեջ ամբողջ հազարյակներ պավլիկյաններ էին, որոնք իրենց գաղափարները տարածում են բանակում³:

Հայերի մասսայական այս երկրորդ գաղթի ընթացքում, հույները հայերին (արմենիդես) ճանաչում են որպես պավլիկյան աղանդավորների, պատկերամարտերի:

Դեպի Թրակիա մի մեծ բռնագաղթ էլ տեղի է ունենում բյուզանդական Հովհ. Չմշկիկ կայսեր օրով:

Ըստ Թեոֆանեսի (8-րդ դարի կեսերին) «ամբողջ Ասիայում և Հունաստանում սփռվել էին մանիքեցիներն ու պավլիկյանների արբանյակները»: Թրակիան լցվել էր հայ աղանդավորներով, որոնք դառնում են լուրջ վտանգ Բյուզանդական կայսրության համար:

Թեոդորա կայսրուհու օրով, պավլիկյանների տնտեսական և քաղաքական համոզմունքները այնքան թշնամանքով էին դիտվում, որքան Հռոմի հեթանոս կայսրերը դիտում էին քրիստոնյաների համոզմունքները: Պոլսի մոլեռանդ հույները հաճույքով էին դիտում մանիքեականների նկատ-

¹ A. A. Vassiliev. — Hist. de l'Empire Byzantin, Paris, 1932, vol. I, էջ 336.

² Bonne, 1839, vol. I, էջ 602.

³ К. Παπαρθεμιου.— Ιστορία του Ἑλλ. Ἔθνους, 6-րդ հրտ., հատ. Գ, մաս Բ., էջ 73:

մամբ գործադրվող պատիժները, ինչպես որ Հոռմի արխիտոկրատիան հաճությամբ էր դիտում կրկես նետված քրիստոնյայի մահապատիժը:

Աննա Կոմենեն իր դասակարգային հակառակորդներին՝ աղանդավորներին նկարագրում է իրր արյունածարավ, վայրագ մարդկանց¹:

Հույն կղերականությունը, որը հայերի հանդեպ թշնամություն էր սերմանում դեռևս 572 թվականի եկեղեցական ժողովի օրերին, այժմ առավել մոլեգին պայքար է մղում նրանց դեմ:

Հայտնի հույն բուրժուական պատմագիր Կ. Պապպարիդոսը իր 'Ιστορία τοῦ Ἑλληνικοῦ Ἐθνους ութ հատորյա աշխատության չորրորդ հատորի առաջաբանում նշել է. «Բյուզանդիոնում բարենորոգչական (կրոնական) ավանդարդներ հանդիսացած կայսրերն այդ ձեռնարկում իրենց դաշնակից էին արել աղանդներից ամենահամարձակը — պավլիկյանությունը...»

Ուրեմն Հայաստանից կամ հայկական շրջաններից թրակիա գաղթեցված հայերը, որոնք մեծ մասամբ պատկերամարտներ կամ աղանդավորներ էին, հույն վանականության և իշխող դասի կողմից ներկայացվում էին հերետիկոսներ, ավազակներ: Այլևի՛ն, ճայեր (արմենիդես) ասելով նրանք առհասարակ հասկանում էին աղանդավորներ²:

Միջին դարերում և նույնիսկ ավելի ուշ, քրիստոնյա հոգևորականությունը տարածում էր այն գաղափարը, թե հերետիկոսները, աղանդավորները հարաբերության մեջ են գտնվում դեերի և ոգիների հետ, թե կախարդություն և հմայություն են անում նրանք, մանուկներ են սպանում, նրանց արյունը օգտագործում կախարդական և կրոնական արարողություններում³. Եպիփանեսը նույնն է վերագրում աղանդավորներին իր «Գիրք հերձվածոց»-ում (Κατὰ Αἵρεσέων) և ասում է, որ աղանդավորները մոգություն, կախարդություն են անում, և հարաբերություն ունեն դեերի հետ: Իրա համար էլ Կոստանդին Ե. պատկերամարտ կայսրին վերագրվեց սատանաների հետ հարաբերություն ունենալ:

Փոտոս պատրիարքն իր Διήγησις Περι τῆς Μαυχαῶν αναβλαστῆσεως գործում, ուր մանիքեականությունը նույնացնում է պավլիկյանության հետ, գրում է, որ նրանք դեերի հետ հարաբերություն ունեն, նրանց կոչում է կախարդ, ոճրագործ և այլն⁴:

Մանիքեականների ու պավլիկյանների դեմ նույնպիսի զրպարտություններ է անում Պետրոս Սիկիլիացին, նրանց վերագրելով մանկասպանություն և այլ կարգի ոճիրներ⁵:

Բուլղար հոգևորականների կողմից պատրաստված հմայելիների մեջ հաճախ հերետիկոսների, աղանդավորների, հետևարար դեերի և չար ոգիների հոմանիշ են գործածվում պավլիկյան, մանիքեական, արմեններ և բողոմիլներ անունները:

¹ ԱճՈՒԱ ԿՈՄԵՆԵՆ, Ալեքսիականք, գիրք ԺԳ, 8:

² A. A. Vassiliev, նույն տեղում, Vol. II, էջ 1:

³ Mauray, La Magie et l'astrologie etc, էջ 101, տես և ծանոթ., էջ 83:

⁴ Migne. S. a. հատ. 102, սյուն. 32:

⁵ Անդ, հատ. 104, սյուն. 1241: Մ. Օրմանյան, Աղդապատում, հատ. Ա, էջ 817: Չամչյան. Պատմ. Հայոց, հատ. Բ, էջ 385:

Այս բանը հաստատում է և Փարիզի Ազգ. մատենադարանի № 2316 հմայեկը, որ 6-րդ կամ 7-րդ դարի գործ է համարվում: Այստեղ հմայեկը վրում են ամեն կարգի չար ոգիներից և դիվանդիպումներից և հրամայվում է նրանց, որ դուրս գան աստուծո ծառայից և մտնեն կախարդողների գլխում, որոնք կարող են լինեն՝ կախարգ կամ կախարդուհի, գաղղիացի կամ գաղղուհի, պարսիկ կամ պարսկուհի, եգիպտացի կամ եգիպտուհի, բարեխոսացի կամ բարեխոսուհի, սուրիացի կամ սուրիացուհի, հրեա կամ հրեուհի, գնչու կամ գնչուհի, պավլիկյան կամ պավլիկուհի, արմենիա կամ արմենուհի, կիպրոսցի կամ կիպրուհի:

Արիստ. Նեոֆիտոսը Կիրասոնի շրջանի ավելորդապաշտության մասին խոսելիս ասում է, թե ակնահարույթյունը (աչքի բերելը) ամենից ծանոթ կախարդումն է, որի ամենազորավոր ճանաչումն ու բուժումը լինում է մասնավոր մի հմայեկ «կարդալով» և որ «կարդացողը» գրեթե առանց բացառության մի ճայռուհի է, որը գերդաստանական ավանդությամբ սովորել է «կարդալիքն» և անելիք մաղթանքներն ու աղոթքները¹:

Հյուսիսային Հունաստանում և մասնավորապես Թրակիայում պատմիների բերնից լսվում է՝ ἄρμενιον κακῶς ἐπηρᾶσθαι τὰς Λεχῶνας καὶ τὰ παῖδια (հայը վատ է աղդում) ֆնասում է (տղացկաններին և երեխաներին), իսկ տղացկանների տագնապն ու տենդը վերագրում են ἄρμενις (արմենիս) կամ ἄρμενιδες (արմենիդես, հոգ.) կոչված դեբրին, չար ոգիներին, Եվ երբ տղացկանը կամ երեխան հիվանդանում է, ասում են՝ ἢ λεχῶνα ἄρμενιστ' (ἄρμενιστ'ηγε) (ի լեխոնա արմենիստիկե), որ նշանակում է՝ տղացկանը արմենաճար եղավ (հիվանդացավ, վրան նոպա եկավ, տենդի բռնվեց): Նույնպես ասում են՝ ἄρμενιστ'ηγε ἐπὶ λεχῶν βραχάνας (արմենիստիկե եպի լեխուս բասկենետե) այսինքն՝ տղացկանը արմենաճար է եղել, կախարգվել է, չար-աչքի է եկել²:

Արեւելյան Թուրքիայի, Գալաթիայի շրջանում, տղացկանը, երբ գիշերով ցանկանում է սենյակից դուրս գալ, վառված ածուխ են գցում գետինը, որպեսզի անցնի վրայից՝ οὐδ' ἂν μὴ ἄρμενιστ' այսինքն, որպեսզի արմենաճար չլինի³:

Գիշերները ոչ միայն չեն խոսում իրար հետ, այլև տղացկանի հետ, որպեսզի նրանց աղմուկը չար ոգիների ուշադրությունը չգրավի, ոգիներ, որոնք կարող են վատ ազդեցություն գործել տղացկանի վրա, ահաբեկել, կամ խոռովել նրա հոգեկան և մարմնական վիճակը: Այս պարագայում պետք են ունենում մի ճայ քահանայի աղոթքին և նրա պաշտպանությանը⁴:

Տղացկանին ծննդաբերությունից հետո թույլ չեն տալիս քառասուն օր տնից դուրս գալ: Դուները փակում են արևմուտքից,

Եթե, հակառակ այս բոլորին, երեխան հիվանդանա, ասում են, որ նա արմենաճար է եղել և հրավիրում են մի ճայ քահանա, որ «կարդա» և աղատի երեխային չարքից: Նրանք հաճախ այդ միջոցին դիմում են անդամ երեխայի լացը կտրելու համար:

¹ 'Ο ἐν Κωνσταντινουπόλει Φιλολογικὸς Σὺλλογος 'Τομ. ΚΒ' (1881), էջ 147:

² Μιλτ. Λεουκοῦδουπουλος—Ανεκδοτὰς Σὺλλ. κ. λ. π. էջ 143:

³ Նույն տեղում, էջ 133:

⁴ K. Kourtiotou—Σὺλλ. Κωνστ. (Πόλεως. տես և 'Αρχ. Θρακικῶν Θησαυρῶν, I, էջ 14:

Կյուսմուլճինայում տղացիներին առանձին չեն թողնում, որպեսզի արմենահար չլինի։ Եվ երբ մեկնում են նրա սենյակից, նրա մոտ դնում են՝ ալիկ, խմորի գլան, հին հողաթափ և այլն։

Ծննդաբերությունից հետո, մանկաբարձը տղացկանի մազից կախում է սխտոր, ոսկի մատանի կամ ոսկեդրամ, որոնք մնում են մինչև մաքրվելը: Նույնն են անում և երեխային՝ պահելու համար չար աչքից: Սենյակի դուռը կապում են մի կարժ կարմիր թել և ասում են, որ այդ ձևով կապում են τῶν ἄρμενον (արմենոն), առանց կարողանալու բացատրելու, թե ինչ բան է այդ և, սակայն, անում են, որպեսզի տղացկանը չարմենահարի-ἄρμενιστῆ (արմենիստե):

Թեոսյիայում հավատում են, թե երբ գիշերանց մեկը մտնում է տղացիանի սենյակը, վերջինս ունենում է ջերմ, դառանցում է — ἀρμενιά-
ζεται ή λειχῶ²: Ἀρμενιάζεται նշանակում է տղացիանը ուղեղային տաղանայ ու-
նի, որի պատճառ կարող են լինել ա) հայհոյություններ, բ) եթե տղացիա-
նը որոշ օրերից առաջ (սովորաբար ծննդաբերությունից 15 օր) անկողնից
ելնի, գ) եթե պահեցողություն չունի: Ἀρμενιάσχη (արմենահար) կղած
կնոջ համար կանչում են պառաֆներ, որոնք գիտեն ξεαρμενιάζω (քսեարմե-
նիադո) անել (արմենահատել): Այս կանայք խուսկ և ἀρμεν:α (երիցուկ)
են վառում խնկամանի մեջ և հիվանդ կնոջը մոտեցնելիս ասում են մի շարք
խորհրդավոր և գաղտնի խոսքեր: Հաճախ կանչում են քահանա:

Դալով հմայակին, ξεαρμενιστρα (քահարմենիաստրա-արմենաստուհին, կախարհուհին) շատ ցած ձայնով ասում է, ինչ որ բան: Ըստ ծեր կանանց պատմածի՝ նա ասում է. Քրնձ արմենահար արեց (կախարհեց, աչքի թերեց) մայրս, ինձ արմենահար արեց հայրս, ինձ արմենահար արեցին եղբայրներս, ինձ արմենահար արեցին զարմիկներս: Եւ տղացկանը լալով կրկնում է նույն խոսքերը: Որոշ կախարհուհիներ հռուռթք էին անում՝ հմայեկներ կարդում, ասելով. Տղարձի՛ր ետ, դարձի՛ր ետ, իսկ Սերեգի շրճանում՝ Տղարձի՛ր ետ արմենաքարս (ἀρμενόπετρα արմենոպետրա):

Արևելյան Բուլղարիայում, ուր բուլղարների և հույների հարաբերու-
թյունը եղել է սերտ, տղացկանների և երեխաների հիվանդությունները
վերագրում են Armenici կամ Ermenki-ներին, Տղացկանին չեն թույլ տալիս
գուրս գալ քառասուն օրից առաջ, Հավատում են, թե ծննդաբերությու-
նից երեք օր վերջ մայրն ու երեխան հիվանդանում են, եթե մանկաբար-
ձը մոռացել է արծաթ դրամ դնել մանկան բարձի տակ: Եվ եթե պատա-
հի որ, իբր թե այդ մոռացման հետևանքով հիվանդանա մայրն ու երե-
խան, կանչում են bajacka (կախարդուհի), որպեսզի «կարեն» տղացկանը, ավելի
ճիշտը՝ armenius-ը: Այս գործողությունը լինում է հետևյալ ձևով. կախար-
դուհին հիվանդին պառկեցնում է, կամ նստեցնում տան գլխավոր ծպեղի տակ.
հետո մի կացին է վերցնում ու շեղրի կողմովը խփում է գետնին, հիվանդի
չորս կողմերին, միաժամանակ ասելով՝ հմայակը, որը կրկնում է հիվանդը.
Իսկ եթե անկարող է, կրկնում է նրա մայրը կամ ներկաներից որևէ մե-

¹ Λαογραφία II, τ. 414, Ἀρχ. Ἑρακλικοῦ Ἑρμαιοῦ I, τ. 14.

² Κ. Οικονομίου - Περί γνηστ. προσφ. της Έλλ. γλωσσής: 59 364.

³ 'Αγ. Τζαριζανου " " " " 49 480:

4 'Αθηνα' ΚΔ' 49 461.

կը: Հետո մի թել սպիտակ, մի թել էլ կարմիր դերձան և մի կտոր կղմինդր դնում են հացի մեջ ու ղետեղում հիվանդի սնարում ու կացինով խփում: Երբ հիվանդը հարցնում է.

— Ի՞նչ ես կտրում:

— Արմենիդես, պատասխանում է կախարդուհին.

Այս գործողությունը կրկնվում է երեք անգամ, որից հետո կախարդուհին մոմոում է կախարդական մի բանաձև.

Թրակիայի հյուս. արևելյան շրջանում, Սողոպոլիս (նախկին Ապոլոնիա) կոչված գավառում գործածվում է՝ *αρμενιάτixa* (արմենիատիկա) բառը՝ որ *αρμενίαν*-ի (արմենիոն) հասցրած հիվանդությունն է և ունի *αρμενιάζμα* (արմենիազմա)-ի հետ գոթե նույն իմաստը: Երբ ծծնդարերությունը տեղի է ունենում, մանկաբարձը մի շարք գործողություններ է անում, որպեսզի ժնի և էգ վիշապը: Դրանք կատարվում են, որպեսզի տղացիանը չենթարկվի ու չտառապի գիշերակոխ-ից և *αρμενιάτixa*-ից, ինչ որ պետք է հոմանիշ նկատել *’αρμενιάζμα* (արմենիազմա) կամ *’αρμενίσμα* (արմենիզմա)-ի (արմենահարություն):

Թրակիայի Կարիոն կոչված գավառում, նոր հարսերին տրվում է *’Αρμενα* (արմենա) անունը: Հարսանիքի օրը, սովորաբար կիրակի, վաղ առավոտյան երկու մոտիկ ազգականներ կամ մտերիմներ գալիս են և լողացնում փեսին և անցնում ոստայնանկի առեջից, որպեսզի իրեն չբռնեն *’Αρμενα* (արմենա)-ները, որպեսզի չկախարդվի, չար աչքի չգա, գեշություն չհասնի: Այս բանը անում են առհասարակ մոդական հանգույցների, կողպեքների և այլ ավելորդապաշտությունների իրր կանխարգելություն:

Մակեդոնիայի որոշ շրջաններում, հարսին նստեցնում են փսիաթի վրա, որի տակ գրված է լինում արորի երկաթ խոփը, որպեսզի երկաթի նման ամուր լինի: Հետո առնում են արորի փոկը և երեք անգամ անցկացնում հարսի իրանի շուրջը, որպեսզի արմենահար չլինի ու փոկի նման ճապուկ լինի²:

Գրեանայի շրջանում, Սեթովայում գործածական է *τα αρμενια χαπνίζουν τις λεγώνες*, *ἄμα αρμενίζοντα*: (տա արմենիա կապնիզում տիս լեյոնես ամա արմենիզոնտե), որ նշանակում է՝ երիցուկ եմ ծխարկում տղացկաններից, երբ արմենահար եմ լինում³:

Բուլղարական Valesko գավառում հավատում են, որ Navis (հունական ներեյիդների համապատասխանող, իսկ բուլղարների համար կախարդական, վնդկային դեեր իմաստով) կոչված երեք կանայք կան, որոնցից երկուսը Ermenkas (հայուհիներ) են, իսկ երրորդը՝ Nasenka է կոչվում: Սրանք չարչարում են ու հիմարացնում տղացիկներին⁴:

Այս հավատքի արդյունք պետք է համարել այն, որ տղացիկանների հիվանդությունների ժամանակ կանչում էին հայ կախարդուհիներ, որպեսզի հմայեկեն կամ դարմանեն հիվանդներին:

Ուշագրավ է Թրակիայում տարածված մի ժողովրդական սպանդուխ-

¹ Μιλτ.—Λουλουδοπουλος—’Ανεχδοτος Συλλ., էջ 186:

² „Μακεδονική Ζωή“ IV, էջ 2863:

³ „Λαογραφία“, VII, էջ 121:

⁴ Strauss — Die Bulgaren.

տի երգք, որտեղ Հայաստանում գտնվող հույն պանդուխտը իր բարեկերպ ուղարկելով հարազատներին, հայտնում է, որ չի կարող հայրենիք վերադառնալ, որովհետև կախարդված է հայունու կողմից:

Անապատի իմ սև ծիծեռնակներ
 Եվ սպիտակ աղավնիներ իմ ափերի,
 Որ այնքան բարձրից գնում եք դեպ՝ իմ հայրենիք
 Մի խնձորենի ունեմ իմ տան բակում, այնտեղ թառեցեք
 Եվ ասացեք իմ բարի կնոջը,
 Ուզում է՝ թող մայրապետ լինի, ուզում է՝ թող ամուսնանա,
 Ուզում է՝ թող զգեստները ներկի ու սևեր հագնի:
 Թող չսպասի ինձ, թող չհամբերի:
 Ինձ այստեղ, Հայաստանում ամուսնացրել են
 Մի հայունու՝ կախարդունու աղջկա հետ,
 Որը կախարդում է աստղերն ու երկինքը:
 Կախարդում է թռչուններին՝ ու չեն թռչում:
 Կախարդում է քետերին՝ ու չեն հոսում:
 Կախարդում է ծովը ու չի ալեկոծում:
 Կախարդում է նավերը ու չեն նավարկում:
 Կախարդում է և ինձ ու չեմ կարողանում վերադառնալ,
 Ճանապարհ եմ ընկնում, ձյուն է գալիս,
 Ետ եմ դառնում: աստղեր են փայլում, արև ծագում:
 Թամբում եմ ձիս, թամբը ցած է ընկնում:
 Կապում եմ սուրս, քանդվում, ընկնում է մեջքիցս,
 Նստում եմ, որ նամակ գրեմ, սրբվում է գրածս:

Սերեդի հույների Վերին Հրեշտակապետաց եկեղեցում, ինչ և մաշված մի մագաղաթի վրա գտնվում է Աստվածածնի մի նկարը, որի ներքևը գրվել է՝ Παναγία Ἀρμενοκρατοῦσα (Պանագիա արմենոկրատուսա — Աստվածածին արմենախափան): Նույն քաղաքի հարավային կողմում գտնվում է Ἀρμενοπετρα (արմենոպետրա — արմենաքար) ժողովրդական անունով ծանոթ մի ժայռ, որ մետեորական է գուցե: Այս ժայռից կառուրներ հավաքում են այցելուներն ու պառավները և դործածում իրեն հմայակ, փոշիացնելով խմեցնում են հիվանդներին իրեն դարման կամ դեղթափ¹:

Մակեդոնիայում սովորական է՝ ծննդաբերության հետևանքով տենդից բռնված, ցնորած կամ զառանցող կանանց համար գործածել ἡ γυναικα ἀρμένισε (ի գինեկա արմենիսե = կինը արմենա՝ար եղավ) խոսքը: Այս չարիքը կանխելու համար ἀρμενο < ν > անուն մի խոս (երիցուկ) և ἀρμενο-ξυλο (արմենոքսիլո = արմենափայտ) կոչված մի փայտ է դրվում տղացկանի և նորածնի բարձի ներքև կամ կախվում վրան:

Հատկանշական է, որ երիցուկը կոչում են ἀρμενια (արմենիա): Օրինակ, էտոլիայում (հյուս. արևմտ. Հունաստան) կոչում են՝ ἀρμενια, Ադրիանապոլսում՝ ἡ ἀρμενῆ, Բելրեոտոյում (արևմտ. Մակեդոնիա) δ ἀρμένους և այլն: Այս խոսը գործածում են իրր հմայակ, կախարդանք կամ չար աչք արգելող ἀβασχαντήρα — արտականտերա և իրր դեղթափ՝ արմենախարության:

Արմենիա, արմենիդես կամ արմենիոն-ի գեղեր կամ չար ոգիներ լինելու հավատքը գոյություն ունի նաև Դիոս կղզում:

¹ Πολιτου — Έχλογαί — (η Μαγισσα) № 172.

² „Αθηνά“, ΚΔ, էջ 467: II. Παναγαρωργίου — Λι Σερραι καὶ ἡ μοῖνη Ἰωάννου τοῦ Προδρόμου, էջ 242:

Դիտում կա այն հավատքը, թե արմենիսները լույսեր են, որոնք հանկարծ վառվում են գիշերանց՝ լեռների մեջ, կամ ամայի տեղերից անցնելիս դեմդ են դուրս գալիս: Այս կողմում արմենիսների շուրջ ստեղծվել են սնտիապաշտական բաղամթիվ զրույցներ: Ահա դրանցից մի քանիսը.

«Մի արմենիս մտնում է մի տուն: Նա լինում է բարձրահասակ, մեծ մորուսով, գլխին՝ մի բեպուրլիկ գլխարկ, բերնին՝ մի խոշոր ծխամորճ: Ծխամորճից այնքան ծուխ էր բարձրանում, որ կաքձեք մի փուռ էր վառվում: Անշարժ կանգնում է և երբ մոտենում են նրան, անհայտանում է»:

«Կամարավոր մի շենք կա Գամպիում: Պատում, և՛ թե այնտեղ տեսել են արմենիսներ, որոնք գիշերանց պարում են կանանց հետ»:

«Մի մարդ գիշերանց տնից դուրս է գալիս, որպեսզի թակարդ լարի թռչունների համար: Թակարդի մի ծայրը կապում է հորի մամլակին: Երբ կանգնում է, լսում է մի փսփսոց և քիչ հետո տեսնում լապտերով մարդիկ, որոնք երգում են: Մի արմենիս նրան տալիս է մի լապտեր: Վախիցը մինչև առավոտ կուշ է գալիս, աղոթում է և արմենիսները անհայտանում են»:

«Մի մարդ, մի օր Բալամթի գնալիս վրա է հասնում գիշերը: Հանկարծ տեսնում է, որ մի արմենիս է գալիս: Երբ մոտենում է, արմենիսը գրկում է նրան և ասում. «Եղում եմ սերդ»։ «Դու ո՞վ ես», հարցնում է մարդը, արմենիսը չի պատասխանում: Մարդը հանկարծ հիշում է, խաչ հանում, արմենիսը անհայտանում է»:

Այս ավանդությունները հավաքող Մտիլիանոս Բիոսը¹ հայտնում է, որ հույները արմենիս կամ արմենիդեսներին երեակայել են իրր մահաբեր, չարագործ տարրեր կամ ոգիներ: Դիտում, մասնավորապես Կամպոսոնոս և Մաստիսոսորա ավաններում, չար ոգիները կոչվում են արմենիս և արմենիդես (հայ, հայեր): «Մի արմենիս տեսած նշանակում է, «մի չար ոգի տեսած»:

Մի շարք ուրիշ հեղինակներ², հենվելով διαβρυχόν τον εὐρηχε (անց-վորիկի բռնվեց) արտահայտությունից վրա, գրում են, որ երբ մեկը դաշտուս հիվանդանում է, անհանգիստ լինում, ջերմ կամ արեահարություն ունենում, ենթադրում են, թե հանդիպել է գեերի կամ չարքերի, որ դա ἀρουε-νιδες (արմենահարություն), ἀρενιχά (այսահարություն) է և այլն:

Ըստ նորագույն բառգրքերի և բառագետների, հունարենում ἀρμενιζω նշանակում է առագաստ բանալ, նավարկել (մանավանդ առագաստանա-վով)։ փոխարեբան իմաստով՝ վարել, կառավարել, օրինակ δέν αρμενιζεις χαλα — լավ չես գնում, լավ չես վարում, (ոճարանություն) մտացիր լինել, ուշակորույս լինել (ոամկորեն) ցնորիլ, դառանցել, խելագարվել (և մանա-վանդ) կախարդվել, որ միայն ծննդաբեր, տղացկան կանանց առնչությամբ գործածվում է: Այսպես ἀρμενισε (արմենիսե) նշանակում է տենդից դա-ռանցում է, կախարդվել է, աչքի է եկել և ἀρμενιζμα (արմենիզմա) նշա-նակում է դառանցանք, ցնորանք, կախարդանք, չար-աչք, ինչպես նաև ἀρμενιζμα (արմենիզմա) և ἀρμενιζμα (արմենիզմա) նշանակում է տղաց-կանի տենդ, տագնապ, կախարդանք, աչքի դալ, պիղծ ոգիների հարձակ-մանը ենթարկվել:

¹ Χιατσι Παρθοσεις. տես և «Λαογραφία», հատ. Բ. էջ 438—439.

² Κανελλακη—Συλλογη Κωνσταντίνου № 7189.

Սերեզում պանվում է՝ ἀρμενόπαρτα (արմենոպորտա — արմենագուռ), որի փայտերից կտորներ են պոկում և ծխարկում տղացիանի մոտ, իբրև հմայակ:

Երբ մեկը կախարդված է համարվում, հանձնարարվում է մի կտոր փայտ, մի տաշեղ կտրել, պոկել այն տան դռնից, որի բնակիչներից է կախարդողը, որպեսզի այդ փայտի կտորից պատրաստի հուռութքը կամ հմայեկը¹:

Ուրեմն՝ արմենագուռից պոկվելիք փայտի կտորի հավատքը, ենթադրել է տալիս, որ կախարդողը հավատում է, որ ինքը կախարդվել է արմենիս-ից (հայ) և նրա դռնից պոկված կտորով ուզում է պատրաստել հակադեղը, հմայեկը:

Արմենափայտը դնում են տղացիանի կամ երեսայի բարձի տակ կամ կախում են իրենց վրա: Աղանդների պատմությունից հայտնի է, որ մարկիոնականները փայտե խաչը (այսինքն քրիստոսի խաչը) գործածում էին, դնելով հիվանդի վրա, որպեսզի հիվանդությունը անցնի ժանիծից փայտին²:

Հայտնի է, որ չմշկիկ կայսեր գաղթեցրած հայերի մեջ եղել են մարկիոնականներ, որոնք Թրակիայի ժողովրդի համար արմենիսներ էին:

Սերեզում գործածում են արմենաբար (ἀρμενοπαρτα) որպես դեղթափ արմենահարություն: Այնտեղ երիցուկ բույսն էլ ἀρμενα է կոչվում: Շատ հավանական է, որ հիվանդությունը (արմենահարությունը) դարձանողները առհասարակ եղել են հայ կախարդունիներ և կամ հայ քահանաներ, որոնք ծխարկել են կամ խաշելով խմեցրել են այս բույսը (երիցուկը), որը և կոչվել է ἀρμενον (արմենոն) կամ ἄρμενα (արմենիա):

Ավելի հաստատ վկայություն գտնում ենք «ծաղկաբան-երգիչ» Դավիթ Սալաձորցու մոտ, թե ժախձն, իրիցուկն և կղբողակն կու ըսպասեն Արևորդուն. նոցա երամն ուրիշ է. կու շրջին զօրն հետ արևուն³:

Արևորդիները պաշտում էին երիցուկ խոտը: Շատ բնական է, որ բոնագաղթվող և Թրակիա հաստատվող աղանդավորներից Արևորդիները հարունակել էին իրենց պաշտամունքը և նրան վերագրել էին գերբնական ուժ: Հավանաբար նրանք այն գործածում էին նաև կախարդությունների դեմ, որպես հմայակ՝ դեղթափ, մանավանդ ծննդաբերության դեպքում: Հետևաբար հիվանդությունը արմենիսներից վերագրող հույնը, հայ աղանդավորների կողմից իբր դեղթափ գործածվող խոտն էլ (երիցուկ) հեշտությամբ և տրամաբանական հետևությունով կոչել է արմենա:

Երեսաներ հափշտակող և տղացիաններին անհանգստացնող չար ոգիների գոյության հավատքը ընդհանուր էր ժողովուրդների մեջ: Անտարակույս, հույներն էլ ունեցել են այդ սովորությունը: Սբ. Սիսիանոսի ավանդության մեջ ծննդական Մելիտինեի երեսան հափշտակող ռիլուն, երբ ձերբակալվեց, խոստովանեց իր տասներկու և կես անունները՝ Ամորֆուս, Արիդու, Կարֆուս, Բրիանե, Բարդելուս, Եգիպտունի, Բարնա, Քարքանիս, Կարյա, Ատիքեա, Միգա, Պետոմենե և այլն:

¹ Համաձայն Մանիսայի հայերի ժողովրդական հավատալիքին, երբ մեկը աչքի է եկել, արևելք նայող փողոցի դռների յոթ սեմերից մի մի կտոր տաշեղ են առնում և ծխարկում հիվանդին: «Բյուրական», 1899 թ., № 28, էջ 438:

² Paul Perdrizet — Negotium Perambul in Tenebris, 1922, Strassburg, էջ 24:

³ Տ. Ղ. Ալիշան — Հին հավատք հայոց, Վենետիկ, 1910, էջ 104:

Բացի այդ, հունարենի մեջ կան տղացկաններին և մանուկներին ֆնասող մի շարք չար ոգիների անուններ, օրինակ՝ Մոռա, Մարմարու, Պետասիա, Պելագիա, Ապլետու, Համիա, Էմբուսա, Մորմուլիկի, Սարիգլա և այլն:

Թրակիայում նորածիններին և ծննդկաններին ֆնասող չար ոգին նախքան ճարմենիս՝ կամ ճարմենիդես՝ անունը ստանալը, անշուշտ, կոչվել է այլ անունով: Անվան այդ փոփոխությունը մեր կարծիքով, եղել է աղանդավորների Թրակիայում եղած ժամանակաշրջանում:

Ժամանակի ընթացքում արմենիսների (հայերի) դե կամ չար ոգի ճանաչվելը այնքան էլ դարմանք չպետք է պատճառի, երբ հայ և հույն մատենագիրները միաբերան այդպես էին որակում աղանդավորներին, երբ աղանդավորներն ու հերետիկոսները ճանաչվել էին դե, սատանա:

Հայտնի է, որ Հայաստանում էլ քրիստոնեություն տարածման առաջին տարիներից ուժեղ հալածանք սկսվեց խնչպես հեթանոսություն, այնպես էլ աղանդավորական շարժումների դեմ: Միևնույն ժամանակ եկեղեցու դեկավարների կողմից աղանդավորները համարվում էին դեներ, և որպես այդպիսին ենթարկվում խստագույն հալածանքների:

Հետագա դարերում նույնպիսի հալածանքների էին ենթարկվում աղանդավորները Հայաստանում:

Գր. Նարեկացին գրում է.

«...քանզի լուռայ, թէ յանյիշելի ամենազադիր մծղնէութիւն աղանդաւորութեան անիծելոց թոնդրակեանցդ ի միջի ձերում բարեխոհիցդ յիշատակիք:

Եւ զանալով համողել, որ աղանդավորների գաղափարները սխալ են, նա շարունակում է.

«...որք են շարք շանց և գումարք դողոց, և դոնդք գայլոց և դասք դիւաց, և աղինք աւաղակաց և կոյտք կերչաց, և բոյլք բարբարոսաց և խումբք խաչահանուաց, և ժողովք չարեաց ե արք արեանց և երամք թունաւոր աւձին և վտառք մարդադէմ գաղանաց և կաճառք կախարդասարաց:

Դո. Մագիստրոսը ասորիների կաթողիկոսին գրած իր պատասխան թղթում, աղանդավորների պետին որակում է՝ «մարմնադեալ դե», «կարապետ սապայելիք», «անիծեալ շուն», «գազան արիւնըռուշտ», «վալաշ շամբուշ», «յգիւեալ չարագործ», «գարան կորստեան»:

Ցանկանալով հայ ժողովրդի աչքում վարկաբեկել աղանդավորական շարժման ղեկավարներին, հայ եկեղեցու պետերը նրանց վերագրում էին նաև «անբարոյականություն», «խառնակեցություն» և այլ վատագույն արարքներ:

Արիստակես Հաստիվերտցին աղանդավոր Կունծիկ արեղայի մասին գրում է.

«...Կունծիկ ոմն շնանուն արեղայ, որ ունէր յինքեան զպղծութիւն խմորն... Ժիր մշակ սատանայի, որսացաւ զկին ոմն, որում Հրանուշ կոչիւր և զերկու կանանցն, միումն Ախնի և միւսումն Կամարայ: Սոքա պոռնկական մոլեղին ախտիւն, որպէս օրէն է նոցին փարախին, և կախարդական արվեստիւ վարդապետք եղին սատանայիք:

Բանավոր հալածանքին հաջորդում է դործնականը:

Հաստատվում է հալածախնդրությունը: Խոտագույն հալածանքների և ենթարկվում աղանդավորները Դր. Մագիստրոսի և Մարգիս կաթողի-

կոսի օրով, երբ սուր ու հուր տարածվեց աղանդավորների լեռնային թա-
ղրստոցներում և հայ պետություն ու եկեղեցու ձեռքով ազվեսագրոշմ խա-
րտնվեցին աղանդավորների ճաղատներին:

Հալածանքի սաստկացման արդյունքը եղավ այն, որ աղանդավորու-
թյունը տարածվեց նաև հունական թեմաներում և այս ձևով գրավեց հույն
ուղղափառ եկեղեցու պետերի ուշագրությունը, որոնք առավել խստություն
սկսեցին հալածել հայ աղանդավորներին, նրանց վերագրելով ամեն մի
վատ արարք:

Հետևարար Թրակիայի ընդի ժողովրդի և օրթոդոքս հույների աչքում,
դադթեցվող պավլիկյան հայերը (արմենիս) ոչ այլ ինչ էին, բայց դևեր,
չար ոգիներ և լիախարդներ:

Փաստերը վկայում են, որ 11-րդ դարում, արդեն Թրակիայում գո-
յություն են ունեցել հայ կաթարդուհիներ կամ արմենափառուհիներ (Ξεαρ-
μενιδοτρε): Այդ հավատքը շարունակվել է մինչև մեր օրերը: Բնքս աղա-
նատես եմ եղել այսպիսի մի դեպքի:

Մի օր Աթենքի հայոց առաջնորդարանը եկավ մի հույն կին, իր
9—10 տարեկան որդու ձեռքից բռնած: Նա առաջնորդին հայտնեց, որ
ձերխան համր է, ամեն տեղ դիմել է, բոլոր սրբերին մոմ է վառել, ուխտի
է գնացել, սակայն ո՛չ մի օգուտ չի տեսել, եկել է, որպեսզի հայոց քահա-
նան բուժի որդու հիվանդությունը:

Առաջնորդը բերել տվեց եկեղեցու բանալին, մտցրեց երեխայի բե-
րանը, աղոթեց, մի քանի անգամ կրկնեց այս գործողությունը: Երբախտ
մայրը մեկնեց այն հույսով, թե երեխան բուժվելու է... Այդ կինը հավա-
տում էր, որ համրությունը չար ոգիների գործ է, իսկ հայ քահանան ու-
նի այն հալածելու, վանելու կարողությունը:

Թրակիայում էլ տեսել ենք նման դեպք, երբ տղացիների տագնապը
չի անցել, կարդացնել են ավել ճայ քահանայի:

Նման սովորություններ ունեցել են նաև հայերը:

Մշո շրջանի հայության մեջ գոյություն ուներ մի հավատք. երբ
տղացիները բռնվում է ծննդարերություն ծանր ցավերից և դժվարանում է
ծննդարերությունը, գնում են մոտակա մզկիթը և աղաչում են թուրք
մուլլային (մուեզինին), որ սալավաթ (աղոթք) կանչի: Մուլլան անմիջապես
մինարեն էր բարձրանում և ասում մի մասնավոր աղոթք:

Այստեղ էլ հայերը ունեցել են այն համոզումն ու հավատքը, թե չար
ոգիներն էին ծննդարերությունը դժվարացնողները, իսկ մուլլան, որ դևերի
և չար ոգիների հետ հարաբերվող է, կարող է իր ցեղակիցներին (չար
ոգիներին) ազդել:

Հետևարար այս բոլորը պետք է նկատել նմանարուժություն, չարը
չարի ձեռքով հանելու հավատքի արատհայտություն:

Քրիստոմ, մինչև օրս էլ գյուղացիները վաշխառու, չարագործ, անզգամ,
խեղ մարդոց տալիս են արմենիս անունը և լուսայափոխներին նույնպես
կոչում են արմենիս: Կարծողներ կան, որ Քրիստոմ հայի չար ոգու իմաստ

¹ Սա, իհարկե, կուլտ-միմիկայի, նմանողական մադիայի մի ձև էր: Ինչպես օր
անալին բաց է անում փակ գուռը, եկեղեցու բանալին էլ բաց էր անելու համբի փակ
գեղուն:

ստանալը մնացել է թրքական տիրապետության շրջանից: Այդ ժամանակներին, թուրք աղաների սեղանավորները, նրանց դրամ տվողները առհասարակ եղել են հայեր: Արա իրը վարձատրություն, հայ սեղանավորներին տրվում էր տասանորդի տուրքի դանձումը: Արանք գյուղերում, իրը հարկահավաք, նեղում ու շարժարում էին հույն բնակիչներին, մասնավորաբար կղզու հարավային շրջանում, ուր արտագրվում է ամենաբնական մագտաքան, որից տանում էին սուլթանի կանանոցը: Ուստի նրանք, իրենց գործած բռնության համար, տեղացի ժողովրդի աչքում¹ համարվում էին աղետարեր տարր կամ չար ոգի:

* * *

Կասկածից դուրս է, որ Թրակիայում, զանազան թվականներին և զանազան ձևերով կենտրոնացված բազմահազար հայությունը, իր նոր բնակավայրում զրազվում էր նաև առևտրով, արհեստներով, գյուղատնտեսական աշխատանքով, այս բոլոր բնագավառներում մրցորդ հանդիսանալով տեղական բնակչության հետ, որը բոլոր դեպքերում չէ, որ կարող էր հաշտ աչքով դիտել եկվորների տնտեսական աշխուժացումը:

Պավլիկյանների արգյունաբերական և առևտրական բացառիկ ակտիվությունը և պատերազմներում քաջությունը, դրավել էին Ց-րդ դարի կայսրերի ուշադրությունը: Թրակիայի պավլիկյանները, առևտրական ու զինվորական հարաբերությունների մեջ գտնվել են նույնիսկ Հունգարիայի, Իտալիայի, Հարավային Ֆրանսիայի և այլ երկրների հետ:

Ուստի, բնական է, որ նաև տնտեսական նկատառումով տեղացի որոշ խավեր կարող էին արհամարհանք և թշնամություն տածել պավլիկյանների դեմ:

Այսպիսով, ինչպես տեսնում ենք, հյուսիսային Հունաստանում, մասնավորապես Թրակիայում նկատում ենք հայկական հետքեր, որոնք շատ ավելի լայն ընդգրկում ունեն, քան հնարավոր էր ներկայացնել այս սեղմ հոդվածում:

Այդ հետքերը, որոնք առաջացել են դարերի ընթացքում, հիմնականում բրդյունք են հայ աղանդավորական շարժման ծավալմանը Հունաստանում, աղանդավորների հաստատմանը՝ մասնավորապես Թրակիայի շրջանում, աղանդավորներ, որոնց նկատմամբ հունական եկեղեցին մղել է տնտեսական, քաղաքական և դադափարական տեղական պայքար, որի արգյունք պետք է համարել աղանդավոր հայերին շարքերի, դեերի հետ համեմատելը:

¹ Սուլթան Մահմուտ Ա-ի (1747 թ.)-ի արար ներքինապետի դրածի համաձայն, ուսասիրությունը մեծ հանցանք էր և պատժի ենթակա: Նման դեպքերում, պատիժը որոշելու և կամ կաշառքով ազատվելու դործի մեջ, հայերը մեծ օգտակարություն էին հայտնում, մանավանդ հայ աղանդավորներ: (Տես Ελευθερουδαχη-Εγχυκλοπαιδικον Λεξιπον-αβανια բառի տակ, որ նշանակում է՝ ֆեաա, ավեր, զրպարություն):

² K. Παπαρηγοπουλου—Ιστ. του Έλλ. • Εθνους—III-2. 74.